

中华全国图书馆

文献缩微中心



山西省图书馆 摄制

1990

原件收藏

山西省图书馆

原件书号

25225-28

原件状况

原件有部分字迹模糊

(康熙)黎城县志四卷

(清)程大夏修 李御 李吉纂

清康熙二十一年(1682)刻本

四册

本部书共摄制

1

卷

卷一至卷四

版权所有

不准复印

# 本部书开始

本片卷含： 卷一至卷四

11  
10  
9  
8  
7  
6  
5  
4  
3  
2  
1

[Redacted]

[Redacted]



黎城縣志序

望天子膺錄御宇溥海內外

悉登版章皇矣天府之

藏未有一統車書若斯

之盛者也余觀上世所

傳由海經穆天子傳西

(25225)



域志王會圖以及星槎  
勝覽諸書率皆倭陳域  
外奇觀以誇示遠邇况  
禹甸山河隸職方之書  
者哉古者司徒掌九州  
之圖以尉知冀廣輪而  
又有職方氏以同其貫

利形方氏正疆域使無  
華離之地故其時山川  
險易男女畜產以及車  
輦馬牛無不悉諸戶版  
其公卿士大夫平居坐



一室左右圖書博觀而  
詳計之坐而言起而行  
指麾大定約畧不越數  
語皆按圖以稽據籍而  
求物土之宜而布其利  
政刑以修教化以起風  
俗以成出此其選也前  
十年余從家焉俾學鹿  
泉及

內召余又再上春官登南  
省數往來京洛間西望  
太行諸山高挿天表矗

蘇州府志卷之四  
一 亘千百里徘徊者久之  
二 庚申春受

命蒞茲土見其列峯環抱  
二漳交流郵落間往往  
有陶復陶穴之遺風焉  
已而索其志觀之鷹者

魏郡特請生中李御李  
吉二下新輯一書粗成

繁機平載以來幸其民

淳樸而少訟僅科外皆

暇日也取而闕之雖人

二 文事蹟多所闕畧而山



川田賦以及風土沿革  
諸大端已悉具於茲矣  
加裁定而潤色之欲廣  
爲蒐羅以成大觀而簿  
書期會不無縈繞於胸  
中未遑也第編次爲四  
志類析而條分之觀者  
燎若列眉矣夫以參井  
之文上應天垣衡漳之  
水統諸冀方嘯傲箕頽  
者開萬古高士之風陳  
書甘泉者動當時天子

之聽旄丘綴乎風雅潞  
子紀於春秋孰謂黎爲  
叢爾邑哉今天下名郡  
巨鎮所在都有苟其人  
儼薄而難與爲理其俗  
頑敝而古治不復雖坐  
擁江山之雄圖物華錦  
爛娛心駭矚奚足尚哉  
昔廬陵之治滁也喜其  
地僻而事簡又愛其俗  
之安閑與其歲之豐而  
樂與其民遊余於琴歌

之暇亦嘗登城而眺見  
夫峙者蒼然涌者潏然  
白巖之曉煙縹緲於空  
際金牙之夕照掩映於  
林端一嗽田溪之水再  
拜玉泉之石時而遠寺  
之鐘聲隱隱若聞嵐山  
之雨氣颯颯欲來無俟  
叩關而問三老過墟而  
訪故侯凡志中所載又  
天子一燎然陳列於俯仰  
間也誠使政刑修而教



化起風俗成有以上報

聖天子之休命則此志亦天

府之藏職方之書所必

採者矣

崇康熙二十一年

出身文林郎山西潞

安府象縣知縣

陵程大夏序



叙

夫志者記也記其山川風俗人物文章政教  
攸關之事也約城志旨明隆古變時新橫山先  
生纂述歷百餘年版籍存於一火發厥典夕溲

甫

郡伯廣平冬可揚夫子修郡志徵書先伯父  
金漳先生講述約志以襄厥事會先君子捐

館先伯以棣萼摧傷將求泮中轅今日者  
聖天子在上文治光昭中宇廓清職方所隸加  
於禹貢周索之外歲在癸丑

允閣臣請彙纂通統全書部撤下郡縣時

邑侯時江五音鄴夫子命吉采輯又吉竊念  
是役也非通經術明世務得於禹遷班范之  
學者下克勝此然以先伯父未卒之書續而

成以是吉之嗣也其同兄部編六書獻揚事

擴辭積卯十日粗采榷擬寧西魯竟陵

程夫子以海內巨公來蒞吾勸期月以六百

卷得起尤以獎士類加意與林亥以約衆志

書彙蟻取吉兄弟所輯之本州繁補缺正其

舛疑彌以藻采百餘年未竣之書不旬時所

告殊焉曰



程夫子曰萃群勝於寸眸  
瀟百代於文牋固  
以狎副

朝廷囊括包舉又幽意衣曰約有陶唐氏之遺  
使官斯地者遵先王之政覽山川而興文物  
因土宜派啟俗成謹封守所察時變順導其  
惡欲以施文遠安見約之人不益加砥礪曰  
唯於古無事之結成也

程夫子之大有造於勅也吉平  
勅大將附書  
露所大其聲施矣

康聖式十有七年中冬色後學李  
謹識併

書



黎城縣志叙例

一志書所載種種互異然各因其地之有無繁簡不必強同如上黨志有封建兵防節鎮府衛之類此黎亭所無不必列也部類目錄有河防封建帝王后妃之類此亦黎亭所無不必列也又諸志有雜辨雜志辨疑紀事火祥異聞之類不一其名但以紀事統之則諸名悉可去也今折衷諸家分爲四卷一曰地理志如沿革疆域山川古蹟之屬皆所謂地理也則以地理統之一



曰政事志如風俗戶口田賦物產之類皆所謂  
政事也則以政事統之一曰人物志如名宦名  
賢選舉孝義之類皆所謂人物也則以人物統  
之一曰藝文志凡詩書制誥以及傳記碑銘皆  
文也則以藝文統之職官學校人物也而列政  
事者何職官者政事所從出學校則教化所由  
隆也先以義而冠以忠節者何願為良臣不願  
為忠臣知非名宦名賢之所能盡也此以補舊  
志之

崇祀

自未得從祀者言紳賢則必崇祀者如

載言名宦則不必從祀者亦入其有不得附於

選舉孝義之類仙釋而為人物中之表表者亦

皆得以賢口之此又從舊志而變通之者也

一志與史不同史兼褒誅重垂戒也志則志其佳

景竒蹟名人勝事以彰一邑之盛無見修志家

有從風土中專指出鄙俗惡習者刻矣隋書曰

黎人重農彘性樸直安土而不樂商賈此紀實

也予故首表八景以為觀美而使圖工繪之各



綴以詩其餘詩文擇其言尤雅者職官名賢俱標其善且以示芳型於來許義耻其法而戒寓焉爾

一漢晉以後金元以前詩文不多見卽邇來名公如謝茂秦呂仲木諸君子間有紀咏亦不過與會所至聊一抒寫耳然必欲擇其高韻絕唱而後錄之則所存無幾矣故博採舊志所載續以時賢書亦以見人文之盛間有俚句訛謬亦略

加改訂云

一名官與鄉賢俱以從祀文廟者爲主舊志將職官百餘人不分大小一以名宦統之則從祀與本從祀者無別今將名宦鄉賢之從祀者分爲二冊附於學校之後庶條例清而祀典亦不至混淆

一田賦戶口有關國計民生吾鄉邑志中有誤載徵派協濟銀兩者如得執以爲據予於錢穀一事宵旦籌計絲毫必清胥吏不使售其欺故因革損益一一詳載不厭其瑣

一山水著名書史率多影響附會如箕山槪木雜見於平陸遼州真定登封東昌濮州等處汝州又有洗耳河東昌又有巢父墓吾郡當陽亦有箕山山下有洗耳河未知孰為可據然黎之箕槪父老相傳已久異人高風是烏可以無載

黎城縣志目錄

卷之一

地理志

圖攷

星宿圖 山河圖 疆域圖 縣城圖 縣治圖 學宮圖 八景圖

星野

沿革

疆域

驛遞舖舍附 城池 兵防附

山川

關津橋梁附 古蹟 墳墓附

八景

藝之二

政事志

風俗 歲時勝

田賦

三口

鹽法

物產

職官

八書

學校

河龍

寺觀

紀事

卷之三

八山志

選壽

勳爵

贈廕

名宦

名賢

忠節

孝義

列女

流寓

隱逸

儒釋

卷之四

藝文志

經

古歌



詩

五言古  
七言律  
五言絕句  
七言絕句

七言古  
五言律

五言律  
七言律

賦

八製

疏

奏記書表附

詩序

文

記序




墓誌

圖說

程大夏曰古之君子其學也左圖右史故天下山川人物戶口阨塞罔不周知卽高且遠如星文日躔亦能一一察其休祲今士大夫涉獵經史而圖象未之或窺勿論其高且遠卽一鄉一國之間問其風土茫乎無以應然則披圖考數學術之要務也知其坐擁專城者乎故志必先之以圖

天文參宿圖

丹元子歌曰參總七星觜相侵兩肩雙足二為心  
伐有三星足裏深玉井四星右足陰屏星兩扇井  
南襟軍井四星屏上吟左足下四天廁臨廁下  
物天果沉




● 辰

通志畧曰參十度上為日月五星中道肆以參為  
忠良孝謹之子明大則臣忠了孝安吉又子權  
所以平理也



山河圖



清津

金牙山

嶺南

嶺北

廣志山

五里山

山嶺

山界嶺

山皇王

西河

東河

山駝馬

山嶺

河南

流澗

山洞風

台



疆域圖

東至涉縣界三十里

東南至平順



州界二百里

西至武鄉縣界七十里


西南至

卷之二

圖

五

縣城圖





縣治圖

縣署



頂傳倉

內署

式游亭

親民堂


西門

儀門

縣署

縣署

# 學宮圖



## 嵐山夜雨




嵐山夜雨

谷風涼襲兒嵐峯上  
 雲鍵初密老農起舞相慶懸  
 知此夜普霖甘澤相  
 看龍嘘玉井早興起蜥蜴  
 沃野萬井桑麻仰藉神功  
 惟涓滴晨興四望渾  
 如沐且更多遠嵐山如  
 擲移時布穀一聲聲喚過  
 繡汗綺陌好待西成應有  
 社鼓喧騰神格還記取  
 夜雨聲中電影穿窓隙

右訥雨霖鈴

李濂



蕭寺長鐘





荆寺晨鐘



梵宮以定於青嶺青度品是曉風殘月牽  
情抱千葉繁 飛言村漸暝迤邐苦恨路暮  
恍恍枕中蕉鹿真能夢魂無數

名調霜天曉雨



山口改關

水





壺口故關

（鐘祥）

行岫風烟接漳水波流關雄固控峙懸壺若  
 稱奇絕歎古來興廢險隘都稱峙有幾多王  
 霸迭守遲勛業望戍齒烽火都已歇又何  
 須論高歡領慕容堞試聽古來雁噉破關山  
 月頓令人懷古此際倍凄切

右調陽關引

李濂



黎侯古郭




黎侯古記



黎侯古記  
黎侯古記  
黎侯古記  
黎侯古記  
黎侯古記  
黎侯古記  
黎侯古記  
黎侯古記  
黎侯古記  
黎侯古記

黎侯古記



白巖山


白巖曉烟



星暗銀河沒輕烟散曉天欺雲羅霧若相連  
巧結玉岩邊 香篆迷幢影嵐光失翠巔縹  
縹緲掛林巒點染碧霄繁

右調巫山一段雲

李濂偶題



金牙曉照



金牙晚照

金牙秀獨聳玉微中落日斜侵千樹綠  
飛霞倒映半山紅如現艷芙蓉  
金牙峭矗了與天齊暮色雲連孤鴈過  
夕陽人散亂鴉啼迤  
眺欲遲

右詞望江南 康熙癸亥初伏日雨窓

坦庵主人李藻偶書



玉泉激石



玉泉漱石

一瀉水涵，有石相衝，峻嶒激響，玉瑋  
 琮何事遠，尋收窟裏，生地吟聽，飽長  
 孫波中，霏霞芙蓉，伊人宛在，溯洄浩  
 緬，想臨流築父也，拜石有室。

右調浪淘沙

李澹



田侯溯水





田溪冽水

細、清流繞翠郊滿堤楊柳綠條、黃鸝白

鷺為兩相招 月映寒潭垂倒影雨餘碧浪響

危橋田溪佳景費推歎

右調浣溪紗

李灑



星野

程大夏曰星土之說肇自尚禮而無明解鄭康成

班固輩遂以十二次分屬十二野然或以 宿介

乎二國或以一國兼屬二宿總之墟與天合畫

豈能盡符且天之所覆遐邇通金包豈大海以外遂

無星土乎一國之內為州為郡為邑不知凡幾又

從一宿之中分幾度為某邑幾度為某州某郡益

鑿矣即冀州之域上應參井當時甸服千里三商

距河今河流移徙已失其方面星躔次舍歲差已

非一度郡國時分時併安能確指而不爽乎是故參星實沈子產論其槩箕風畢雨洪範著其理刻舟膠柱難與言占步之微姑仍舊輯者僉存其說可也

潞州禹貢冀州域天文參井分野商時爲黎國昔纘帝制九州潞在冀域黎城屬潞州又坐古黎侯之墟應爲參井之分野又省通志上黨本韓之別都分野屬參井

夏書禹貢曰冀州覃懷底績至於衡漳周禮曰職方氏掌天下之圖河出曰冀州其川滹今黎在滹漳之南濁漳之北以禹貢職方考之正當冀州之域

史記蘇秦說趙肅侯曰趙南有河漳黎在濁漳之陽東有林慮西有武鄉東北有涉西北有遼則黎正爲趙之域中矣至秦始爲上黨郡地非如今爲之屬邑也

西漢天文志曰昴畢冀州地里志曰趙地昴畢之分野東漢郡國志曰自胃七度至畢十一度爲大



梁趙分野屬冀州唐天文志曰昴畢大梁也趙分  
星考圖曰昴十一度畢十七度大梁之次趙分冀  
州省通志曰濁漳之北爲畢分出是觀之則黎城  
爲畢之分野無疑矣

晉天文志曰河東河北河兩皆東井之分上黨次  
居下流與趙魏接爲觜參之分舊通志凡屬上黨  
地俱入參井分野

沿革

程大夏曰因革損益帝王治世之大經也自軒轅  
經理立爲萬國至禹分爲九州而參山玉帛不壞  
有熊之舊及周止存千八百國矣秦以後或郡或  
國或道或路或省變置無常必欲溯其自來不幾  
於問爽鳩氏之樂乎然滄桑屢易治化日新如黎  
之爲縣自隋始今白馬鎮之黎城自宋始商所謂  
黎侯國指上黨全區而言黎最強大故西伯戡之  
邲南三十里有黎嶺黎水封自商湯非爲今之藎



備一隅也周武王因之分封辛甲於長子亦非  
今白馬驛之黎城也又平順志謂黎爲子姓州志  
謂黎在秦爲上黨郡屬邑又謂隋開皇六年置黎  
姑金存之以備叅考云

黎古冀州地也舜分爲十二州屬并爲縣昉於禹  
商以據黎墟故名彼城昔黃帝封其支子於潞  
潞城縣東北五十里古潞城本黃虞縣時在潞  
後魏改刈陵後漳水北此城遂廢城殷湯受命乃始曰黎  
此地同名曰黎殷末西  
伯戡之春秋時諸侯強大乃命黎地以立潞子嬰

兒黎侯棄其國而寄於晉晉侯召伯宗數其罪而  
遣荀林父將兵收之於曲梁滅潞子嬰兒黎復國

晉宣公十五年戰國時爲趙地秦爲上黨郡地漢爲上黨

郡之潞縣後魏爲刈陵縣地隸襄垣郡北齊仍爲  
刈陵地改隸武鄉郡後周並入襄垣隋開皇十六  
年改置韓州於襄垣大業初改州爲上黨郡置黎  
城縣以爲上黨郡屬邑唐復更上黨爲潞州黎亦  
隸之天祐二年更曰黎亭宋仁宗天聖三年乙丑  
遷其城於白馬鎮卽今黎城也熙寧中省入潞涉

二縣元祐初復置金元明因之而以隸山西布政司鄉凡四里凡四十五嘉靖八年已丑陞州爲潞安府創置平順縣析黎之東南五里以隸之後又併集三里至崇禎間併爲二十七里

國朝亦因爲黎城縣康熙五年勘審併爲一十五里凡四鄉村落壹百一十五處

東曰平賢鄉凡九里曰北關廡曰上臺壁曰于真曰長垣曰蘇村曰故關曰辛村曰偏城曰宰庄今止存北關子東長垣辛村四里共三十一村

任庄

陳村

中興

長寧

善業

王壁

上庄

下庄

棗臻

棗畔

巖井

鹿頭

安畧

撞口

大匯

洪河

馬駱

狐穴

馬駱

茨里店

東黃須

西黃須

上河東

下河東

茨子岩

嶽樹園

宋家庄

好池港

楊家港

香爐岐

跌脚峪

南曰漳源鄉凡九里曰南關廡曰下臺壁曰坑東曰董壁曰西村曰西伴曰路堡曰北流曰南堡今

止存南關雙台西村保北四里共一十七村

午橋 門裏 坑南 東望 東伴

白平 鎮川 趙店 水峪

苑南 下內華 范家庄 東水陽 泗水陽

喬家庄 劉家池

西曰隴阜鄉凡十里曰宣教坊曰坑西曰九馬曰

郎庄曰百谷曰驅村曰河西曰上遙曰下遙西曰

下遙東今止存宣太馬庄河西北李四里共二十

八村

新曲 前庄 中庄 後庄 平漢

下庄 大市 郊口 板門 鶯裏

上內華 形曹裏 白灰頭 擦則背 小河西

石板土 侯家庄 三角裏 陽和亭 鴉兒巖

龍洞上 北坡裏 榆樹脚 吳家庄 長河裏

河南裏 楊家庄 望兒郊

北曰玉泉鄉凡九里曰德化坊曰永泰坊曰北李

保曰原村曰曹庄口原泉曰東井曰南陌曰北陌

今止存德化北盛蘇村三里共三十九村



柏方

李庄

宝頭

大弓

曲陌

港東

北社

停河

柳坡

故縣

信裏

嶺頭

十五

彭庄

看後

清泉

城西

城南

西井

谷駝裏

虹嶺上

趙家山

石橋背

靳家莊

南李保

王家庄

白官庄

車園裏

牛居裏

南委泉

北委泉

南桑魯

北桑魯

東崖底

石壁底

草則裏

柏樹兒

尚堂裏

赤塔裏

疆域 東通舖舍關

程大夏曰楚大夫有言諸侯強守在四鄰諸侯卑

守在四境今郡縣神古諸侯守以千里尋城令以

百里上應列宿則疆域不可不辨也書曰慎固封

守以康四海蓋疆域定而經濟從此出矣黎當晉

豫之交處二漳之間壺口一關稱為險峻蓋自是

而西而南則地勢愈高自是而東而北則地勢漸

下亦天之所以界二州也而東西馳驟來往絡繹

置郵傳命又馬容已哉且考宋史黎為白馬驛而



潞城莪文亦載潞川驛則黎素稱孔道今雖不置驛而厰馬之設似未可裁減也爰附驛遞舖舍

縣治在潞郡東北一百一十里東西廣如之南北袤百三十里東至河南林縣黃花陵界四十里至林縣又二百里西至武鄉縣牙子巖界七十里至武鄉又百有十里南至潞城縣界漳河中央二十里至潞城又四十里北接遼州界百里至州城又八十里東元至河南涉縣槐樹坡界三十五里至涉縣共六十一里西北至沁州界相平嶺百里東至平順縣上曲村三十里至平順縣又六十一里西南至襄垣縣西峪界五十里至襄垣縣又四十里自縣治至府一百一十里至省五百四十里至京師一千二百里

黎在明啓禎間舊有厰馬喂養走遞悉苦民間皆以身家殉之我

朝聿革前弊止置厰馬二十疋以供郵遞喂養支給俱屬之官歲額設草料銀三百七十六兩馬夫十名工食銀一百四十四兩支銷存留項下民間不

爲馬所困邇來奉文節裁撤無幾時而繁急文移俱無可供驅策者民間既無阡陌成事之事而邑長亦無數馬以對之實則馬政尚有請也

黎舖五日總在縣治前曰亭河曰黃開曰吾兒峯在縣東路通河南涉縣曰西件在縣南路通潞城各設舖司舖兵以急遞公文每公文曰府下縣凡三晝二宵乃得達蓋黎視他邑爲易去而亦最遠云

坎池 兵防

程大夏曰事有不必創於聖人而萬世不能易者昆吾之瓦鯀之城郭是也設險以守上自王畿下至郡邑莫不恃此金湯之固觀於虎牢棄而鄭失諸侯城郭陋而莒亡社稷不綦重哉黎有故城又有潞子舊城而此城則自天聖間移白馬鎮而建者也其所由來尚矣

黎侯城在縣北十八里後魏大武初廢宋天聖二年移治白馬鎮卽今城也迤四里有奇高三丈餘

東北隅依舊阜陞深闊俱丈許門三東曰拱辰西曰西成南曰南薰北無門元至元末知縣崔聚杜旺繼修明景泰初知縣廖靖重修正德中知縣苟京高廣門基竈以磚石門成觀樓樓各十二楹嘉靖中知縣李良能增築城垣四面各厚一丈許隆慶戊辰知縣張遵約創築敵臺二十上各系以樓樓各一臺角樓四上成冠以角樓樓皆十二楹又於三門外咸創建重門各飾以磚石墻雉堞一千五百有奇雉廣陸重深各一丈五尺巖壯孔深

城盡其度教館葺蘇繡為之記東城下小門一處井石底出城中水者縣丞劉靖建崇十四年知縣靳之屏將前所增堞俱易以磚城內外建坊二十八座

德化坊

在城內東南隅今廢

宣教坊

在城內西南隅今廢

安土坊

在縣治前明知縣張遵約重修

清化坊

在故縣今廢

永泰坊

在故縣今廢



育賢坊

在城內儒學西

演武坊

在城南門外西教場前

鑒察坊

在城隍廟前

聖應坊

在南關廂五龍廟前

感應坊

在西關外三官廟前

思榮坊

在縣治前為趙博立

解元坊

在縣正街為趙博立

進士坊

在縣治前為李世芳立

思榮坊

在縣之口前為贈官李謙立

雲坊

在鼓樓前東為靳祖立

步蟾坊

在池步東為李珪立

步月坊

在南街為高昇立

純孝坊

在南街為王修中立

百里絃歌坊

在北關街為阜城縣知縣韓紀立

義民坊

在北關街為韓贍立

鼓樓街貞節坊

為靳妻王氏立

稅務口貞節坊

為李信妻韓氏立

正街貞節坊

為李輝妻黨氏立



南關廟貞節坊

爲季璘妻王氏立

北關廟貞節坊

爲韓洪妻楊氏立

內化貞節坊

爲劉志純妻陸氏立

大南街貞節坊

爲王行讓妻高氏立

李吉曰東漢嘗以幽冀并州兵定天下始于黎陽  
立營領兵騎至千人以謁者監之號黎陽兵今州  
縣無戰敵之兵惟設鄉勇弩矢以資防禦夫仁人  
在上爲下所仰若子弟之嚮父兄手足之捍頭目  
故以仁誼緩民民卽兵也黎演武教場在西城門  
外之南門武有亭於其南有演武坊  
在官所儲麥寇炮三眼鎗木柄長鎗火藥鉛子皆  
候文取用非縣常設者

縣東三十里有巡檢司弓兵二十二名主巡邏盤  
詰以格猛獸禦強賊通商旅

程大夏曰城以石城爲北黎雖建塔壇環猶然土  
城也每春雨發生崩潰百出修築維艱若黎之池  
則雨止卽渴雖深鑿無磨也故主司土者地利不  
知人和至於歲時團操率皆負耒荷鋤之夫亦曰

不失民兵之意云爾

山川 湖津橋

程大夏曰禹貢禹敷土奠高山大川明乎舍山川  
無以別州境也河北山川稱奇勝上黨天下之  
脊太行天下之險黎君其中萬峯環繞而嶽山西  
峙編屏東圍衡漳經其南玉泉出其北亦形勝之  
區也况箕山潁水千古高風尤當揭出者手至於  
關市譏而不征杜繁以時而成商出其路民不病  
涉王道於是乎有徵也

箕山在縣北八十里彭庄蓋避禹子於此見府舊

志按太史公曰了登箕山其上蓋有許由冢云今其墓在曬布崖下正一統志平陽府平陸縣有箕山註言真定開封皆有箕山然彼處未必有許由冢也

潞水縣北七十里有小潭曰洗耳相傳爲許由洗耳處見府志按洗耳不飲犢事然則巢由俱生於此耶或流寓亦未可知

白巖山在縣北十五里巖在山巖本名朱喙巖巖有穴洞洞窮極深曰水色同一一統志云齊武帝與宋朱榮統衆北望帝指其山曰此是天罅口開赤色主殺人可塞之齊人避之曰石罅因號白巖金牙山在縣東北二十里上有廟曰北極故俗呼爲北極山

三皇山在縣西北二十里上有三皇廟故名一信山在縣西北三十里山形壁立隅峯峻絕趾有泉常盈不涸又名汎山

嵐山在縣西二十里山腹多松蒼蒨森秀下有泉名龍井神廟在其麓詳見祀祀

積布山在縣西北六十里山形似積布故名載一

統志

石竚山一名望夫山在縣西北六十里山有石竚

立宛若人形今下寨村俗名石婆兒山又牛砦庄

有石老兒山亦宛若人形

馬鞍山在縣西南三十里以形似名

九龍山在縣西北六十里有九洞似卧龍故名

桃花山在縣東北五十里又名梳花寨牛山冬桃

洞故名

橫山在縣西北三十里橫亘若虹又名虹山懸崖

壁立為西北屏障

廣志山在縣西三十五里山極高清明之書登望

百里心志開豁故名一名毛至

五仙山在縣西南二十里五峯如人形故名

聯珠山在縣西南二十里山自西北延抵澤陽有

巖漫突如珠者而脈連不絕

繡屏山在縣東北三十里長寧村圍列如屏望若

圖編



卧牛峯在縣東北長寧村形若卧牛明內子寇亂里人李養志建磐石寨于上民咸賴之

鳳凰山在縣東北三十里新村相傳神農氏有鳳皇棲於此

東神山在縣東十里山麓建東嶽行祠又有勅祀龍神故名又東北半里有蘑菇山以形似名

啓明山在縣東十里山南北舒伏坦博豐隆無側峭幽鬱之氣又名晴山

六乘山在縣東南八里

潞祠山在縣東南一十五里上有潞子嬰祠

龍阜山在縣西北百里山半有洞卽昭澤龍洞也

洞深數十里八洞約十尋有水池曰感澤池又

後爲一方池水深莫測旁立二石牛若鼓水狀又

後三池亦咸有水又後則水洞光聯晶輝照照人

不敢入矣唐時焦公昭澤曾在此修養遂名爲昭

澤龍洞按省通志龍巖洞在武鄉縣東一百里太

行之麓其洞極深內建焦龍神廟禱雨有應又襄

垣志龍洞在縣東北百里黎城縣界卽謂此

熬山在縣西五十里一名蒼龍山

石圍山在縣北一百二十里又名龍山

蜡岡龍山在縣北一百一十里

風洞山在縣西南三十里漳水之陰洞山坐落城地而洞口則在黎城界洞神能驅犴布和居民受  
臨歲祀焉

嶠嶸山在縣西七十里山雖有洞深約六七里中有池水深莫測不溢不竭產鱉乳百多肖物形

而漳河發源於長子縣西鹿之山從黎之西南

費東南幾百里橫經焉漳善壤田而渠又無定流者患之

靈原聖井在縣東北二十里井前建聖井神洞見祠祀

玉泉水在縣北五十里原泉村有石山泉出其下深不可測金大定間羽衣關安道倚出肇基建聖於泉上鑿山趾爲三孔水自孔出別派合流灌溉晦圃居民賴之下達於清漳一統志玉泉水在縣北五十里山下有三石竅水湧出合流入河南涉

縣界合清漳水

田溪宋元碑碣皆名田溪在縣城北橫亘如帶  
發於嵐山伏虎郊委注東河以達於漳又名小河  
疏渠灌漑民享其利

東河在縣城東半里

南河在縣南關歲間有大水輒北侵坵民舍隳官  
塗勢漸凌城圯知縣張遵約募工掘渠勢岸俾順  
性東注後復潰崇 巳巳邑令文運衡修治南注  
爲溝帶水始不爲患

中頃爲文記之

西河在縣城西一里會兩方有河

馬跑泉在縣西七十里世傳焦公馬渴跑地水  
湧出

懸水崖在縣東北八十里安居村村西有石崖  
懸百尺岸趾有崖高廣若室如斧之而成石更無  
隙水滲滲生石面上百千點下百千聲跡如秋  
滴下成潭不涸居人別無鑿井皆飲此

東陽關城東二十里控武涉吾兒峪巡檢司移居



者

壺口故關東逾東陽五里卽今吾兒峪也詳漢唐書下接涉境

西作堡城南十里通上黨

南陌鎮城北一百里達遼州太原

上遙鎮城西南三十里達襄垣沁州

漳河渡口在縣南二十里官歲修船人不病涉

落水澗漳匯而東水遽落下危懸數百尺石多流

急涉者病之明郡太守王宮用檄縣懸梁於土民

得渡焉

山溪橋在北關陌鄉者韓時化建立

疏嵐橋在南關陌

峪石橋在縣東北十五里通古關

吾兒峪橋在縣東北三十里吾兒峪通涉

趙店橋在縣南十五里跨漳通潞者歲九月督附

近鄉大取木石以成明年水泮之後輒圯復修

北馬橋在縣西南二十里跨漳通襄垣縣

老僧橋在縣東北五十里通燕趙間爲兩僧創繼



故名

漢跋橋在縣西十里斷岸百尺危險莫比工積數年方成不但便於行人頗稱奇觀

故縣橋在縣西北

鳳皇橋在辛村

石橋在橫山下

水濟橋在南關廂康熙十二年邑紳李占黃建

夏接黎邑萬山麓處百里危石名雖不一皆所謂

太行也宋子曰冀州是天地中間好風水出於

雲中發於天云太行在河北如黑雲之在半天蓋

車岡益早爲鳳時而蛟龍走者莫太行若至津水

載在禹貢今合衛北諸流直達天津又滑儲之所

賴萊河性湍急中皆沙石善遷徙每春雨發生波

濤洶湧輒數日弗能渡雖置鵝無由濟也今夏六

月客有自南來者甫及河中央而上流適至欲進

則舟不能前比回首則歸路已斷絕矣遂困於洲

渚者二日蓋其可畏如此

右蹟

墳墓附

程大畏曰古人往矣傳與不傳豈不以其人哉有政者以實傳有文者以文傳有功德者以功德傳甚而有遺臭萬年者矣後之人弔古興思恍然如見其人望其山川里居歛歛不自禁因而題咏之爲之建坊表爲之鐫碑碣爲之增修其祠宇墓道於是千百世以上之人長留於天壤亦曰其蹟存焉耳若夫征西將軍魏武歛之於生前而五十步而樵採柳下能得之於身後此所謂地以人傳也

是宜與古蹟並志

黎侯故城在縣東北二十里商書西伯戡黎卽其地也春秋時潞鄩舒豳黎侯亦其地立潞子嬰兒晉荀林父滅潞于復立黎侯而還後魏太武初城始廢

箕山在縣北彭庄詳山川

潁水在縣北七十里有小溪曰潁詳山川

故縣城在縣西北八里宋天聖三年遷縣治於白馬鎮今城廢址尚存

石勒城在縣東南八十里方四里六十步趙石勒築此以貯糧址猶存見一統志今析隸平順縣然不敢不志者以平順所屬舊平爲黎地也

曬布崖在縣西北七十里世傳高辛氏之宮女爲三仙織龍鬚之布以供仙裳於此曬焉

粉辨臺在縣西北七十里有石類粉粧盒盥盆世傳卽三仙女所用去曬布崖少許

彭庄在縣西北七十里古豐川村也世傳彭祖曾訪三仙女至此居之因而易名



伏虎郊在縣西三十里嵐山之麓舊有僧主此徂  
伏二虎因渴呼水水輒自地窟出傍有石上存履  
杖形卽伏虎禪師投憇處也詳仙釋

古關堡在縣東北二十里古關鎮

松池山寨在縣東三十里宋家庄

九龍山寨在縣西北七十里西井鎮南山形險峻

林木蓊鬱登絕巖遠觀數百里民恃爲保障明知

縣張遵約有題咏

臺壁在縣東十五里古臺壁地考東晉史燕

八年燕主慕容垂伐西燕慕容永兵發中山次於

鄴永聞之分道拘守聚糧臺壁遣兵戍之四月垂

引大軍出滹口入天井關五月至臺壁破之永走

歸長子垂圍拔之黎東距鄴百里西鄰長子百里

今臺壁卽其地也

李吉曰君子之所稱不朽者立德立功立言若墳

墓則滄桑不能保其不變何有於一抔之土乎然

百昌皆生於土而反於土人生必有家有居死必

有塋有墓塋者藏也墓者慕也所謂藏往示來使



人哀慕而不能忘也古之賢者生則人仰之死則人哀之世遠則人懷之於其墟里墓封樹愛護無待於禁而耕犁不侵樵採不入雖千百載屹然猶存也

許由墓在縣北七十里曬布崖下塔址尚存見府志

春秋黎莊夫人墓在城東北二十里黎受封歷商周雖中更西伯之戲而不滅其國蓋千餘年國君也其墳墓不可考而獨一夫人墓可識信位不足憑帶賢而已

潞子嬰兒墓在縣南二十里與潞城界接址尚存即古潞城

漢中山王后墓在城東北八里馮將軍墓之東后爲漢元帝昭儀後封中山皇太后

關內侯馮奉世墓在縣東北五里戚里店北又魯將軍墓詳勲爵又東二里即其女昭儀墓詳烈女志

宜鄉侯馮參墓在將軍墓側奉世少子詳人物

黎侯姬墓在縣東北二十里古黎侯城東塚址尚存

竇建德墓在縣東七十里竇口里今析隸平順縣此復志者與志石勒城同

宋宇文光墓在城北十五里有友人吳陶第四百年碑仆荒隴隆慶中知縣張遵約蒐得之始入志

元孝子申克讓墓在縣東北三十里長寧村其神道碑在皇后嶺路傍書大元旌表孝子申克讓瑩讓為父自封墳臺尚存

耕翻修墓各乘中在縣西北二十里白官庄茂林墓窮至今不伐一木

明趙知府墓名博在縣西北五里

趙隱士墓名初博子在縣西北五里

李副使墓名世芳在縣西北二十里

程叅政墓名達在縣南二十里路堡村

國朝

李學博墓名養志在縣東四十五里

李節婦墓養純妻王氏在城東三十里有僉憲呂





西山銷釋必得柳州而始顯也則予不敢矣

嵐山夜雨

山麓多松有里入太陰雷雨交番之勢每見奔頭雲起其夕必雨候晴亦

然下有寺佛有井禱雨輒應

張遵約

嵐嶺纔見暮雲騰積旱應占夜雨凌浩蕩神功如

響應黎民歲歲沐休徵

又

程大夏

巖巖初生玉女盆桑麻沃野聽潺湲空山月黯龍  
嘘并荒徑松深寺掩門仁聽銀河天外瀉遙知石  
燕巖頭翻晨興一望喜新霽處處嵐光散遠村

蕭寺晨鐘

黎侯山在東其道傍舊有梵宇久成荒墟每劫亦明人經過其處彷彿聞鐘聲

言將升則不聞矣

張遵約

參橫月落曙光分竹處鯨音動客聞當日梵宮今  
寂寞如何定釋尚朝焚

又

程大夏

空外梵幢何處尋疎鐘隱隱出深林九秋霜滿鴈  
聲急五夜星殘客夢侵栖鶻驚聞彭蠡口桐魚遠  
震蜀山岑誰從定裏發深省虬箭曉催其此心

壺口故關

黎侯城東北十里卽三老令狐茂凌地其形若壺踰東陽五里卽今壺兒

略也略有通涉橋唐書

張遵約

故關自昔稱雄勝壺口於今尚是名莫犯黃亡悲  
往事萬年重慶護黎城

又

程大夏

重峰絕壁若壺懸三晉河山險固然東峙雄關廻  
古道南臨大壑滌清泉此地有溫泉二夕陽馬首溪橋樹

野月鷄聲石堡煙憑弔高風詢故老雲橫谷口一  
荒吁

黎侯古郭

黎侯受封建城自殷初以逮今亦云矣其類垣故址陰影明映若有河

護者

張遵約

四圍山色碧崔嵬古郭依然更可哀遙憶黎侯當  
日事式微賦處未歸來

又

程大夏

步屨青郊趁曉風平曠一望草連空花村水繞松  
楸路石陷香殘禾黍宮臺見慕容存古壁城荒石  
勒掩深叢也有慕容臺壁石勒故城誰將俊逸參軍賦朗咏千

峯夕照中

白巖曉燁

燁霏州消每盛於鹿古刹千年投納頗與火舉煙騰有若雲霧而實雜以

人煙

張遵約

玉巖秀色世稱奇，非霧非雲曉更移。我欲縱觀登絕頂，煙消應見太行卑。

又

程大夏

林壑深深識莽蒼，懸岩百丈積冰霜。松門日映人煙集，磴戶風生素幔張。那見瀑泉雲外落，祇餘古剎雨中藏。幃前何日名花發，攜酒高吟選佛場。

金牙晚照

琴山灌金牙為一高一名此極山夕陽山下諸山皆然殆盡而斜輝則直

對金牙照映光華晶瑩可觀

張遵約

金牙翠峯映斜輝，圖畫難狀翠微。是山靈供，

又

程大夏

北極高懸第一峯，凌峽湧出金芙蓉。歸雲半擁丹崖出，落日斜侵翠壁西。洞口花繁垂倒景，城頭霞起失高春。無端却憶瀟湘水，杳靄漁村晚更濃。

八景中有漁村落照

玉泉漱石

野水潺湲驚石則沉浸中央獨立無倚迨秋高清渺而此石愈見屹然欲



仆不仆若中  
流之祇柱然

張遵約

雲裏青山山下泉湧如漱玉自年年塵襟到此清  
如洗始信瑤池非浪傳

又

程大夏

百道泉聲亂石間清澗森森出重山中流直湧苔  
痕立一柱高擎野水環遠汲香甌茶味永類窺清

鏡雀情閒臣門闕寂心如洗耳高風未可攀

邑

類水爲巢  
父洗耳處

田溪冽水

溪在縣北關泉發於嵐山之腹走許  
即伏至溪始出焉溪上雜樹交映雲

垂烟接水則翬塵  
不染一清自如

張遵約

一曲溪流冽更清灌田澗  
樹澤群生老農自是無  
情者不惜餘波浣利名

又

程大夏

古渡滄河水濁流清泉郊外一泓幽密陰交樹潭  
光落靜影涵空雨氣浮曉日煙花藏遠墅秋風菽  
黍灌平疇別來江上扁舟好暇日溪邊感舊游



